



820 iedoch ist iemer al mîn haz
 gein wîben volleclîche laz.
 hôch manlîch vreude kumt von in,
 swie klein dâ wære mîn gewin.«
 5 Anfortasen bat dô sêre
 durch sîner swester êre
 Feirefiz der danverte.
 mit versagen er sich werte.
 Feirefiz Anschevin
 10 warp, daz Loherangrin
 mit im dannen solde varn.
 sîn muoter kunde daz wol bewarn.
 ouch sprach der kûnec Parzival:
 »mîn sun ist geordent ûf den Grâl;
 15 dar muoz er dienstlîch herze tragen,
 læt in got rehten sin bejagen.«
 Vreude und kurzwîle pflac
 Feirefiz al dâ den einleften tac.
 ame zwelften schiet er dan.
 20 gein sîme her der rîche man
 sîn wîp wolde vûeren.
 des begunde ein trûren rûeren
 Parzivaln durch triwe.
 diu reise in lêrte riwe.
 25 Mit den sînen er sich beriet,
 daz er von rittern grôze diet
 mit im sande vûr den walt.
 Anfortas, der sîeze degen balt,
 mit im durch condwieren reit.
 30 manec magt dâ weinen niht vermeit.

Doch ist *G (*T)
 h. m. vröude lit an in, *G (*T)
 s. des w. *G (*T)
 w. dô, daz (daz do L) L. *G *T
 dô sp. *T
 ↓V 
 minne unde k. pf. *G (*T)
 Feirafiz unze (om. L mit U) an (om. L) den *G (ohne Z) (*T)
 wolt er (er mit imme V) v. (vneren U) *T (V I Z)
 des b. in triuwe r. *T
 disiu ([D*]: Dise V) rede in l. (lêrte in *T [L]) r. *G (V) (*T)
 A., der clære (om. L) d. b., *G *T
 mit im (in Z) d. geleite r. *G *T

*D: D *m: m V (mit 820.16¹⁻¹⁶⁵⁴) *G: G I L Z *T: U (ohne 820.2 und 16)

1 Initiale G L Z 9 Initiale I 17 Initiale V U · Majuskel D 25 Majuskel D

5 dô] eht ([*]: er V) *m 9 dô daz niht mohte (möhte V) sîn, *m 10 warp] dô bat er *m 16  nach 820.16: Einschub 820.16¹⁻¹⁶⁴⁸ entspr. *Troisième Continuation*, Ep. 30, V. 42478–42526 und sechs eigene Schlussverse 820.16⁴⁹⁻¹⁶⁵⁴ V 19 Amme drisigesten tage schiet er dan V · schiet] kërte *m 22 ein] om. *m (nur m) 24 reise] rede *m 27 im] in *m (nur m) Z